

## **Ukanikorongi u Bulus u Ire Ubana ara Timoti**

### *Ukukpa u kadyanshi*

Cina Bulus a kuwa ku a'ali da u koronki Timoti ukanikorongi u na vi. Ukanikorongi u na vi wa ta yavu ukanikorongi u da tata wa koronku maku ma ne ma u lai uciga cika. Bulus tonuko ta gbam Timoti u ba u kondo yi a kuwa ku a'ali ki.

Bulus tonuko ta Timoti tyoku da wa kana kaci ka ne u suma ukondo. U wutumkpusuka yi ta tyoku da kayain ka manyan ma Kirisiti ka maci ka woko. Ugbamatangusu ta Timoti u lyai kelime n manyan ma ne ma uwenishike ama a kaci ka Kawauwi.

Gogo-na Katoni dem ka tsu so ta ukonduso. Tagarada u na wa wenishike ta ama tyoku da a ka rongo bawu a rukpai a ukondo u nala vi. Idani i Bulus ubana ara Timoti gogo-na i woko dem de i Atoni.

### *Ili i'ya i'ari a tagarada u na vi*

Idyani n kvasu adama a Timoti (1:1-2)

Kotsu vu pana uwono u Asheku wa (1:3-18)

Tyoku da va woko kasoje ka shinga ka Kawauwi  
(2:1-26)

Tyoku da ama a ka woko a a'ayin a makorishi  
(3:1-9)

Lya kelime n upityanangu (3:10-4:8)

Idani n idyani i makorishi (4:9-22)

### *Ukukpa u kadyanshi*

<sup>1</sup> Mpa Bulus, kasuki ka Yesu Kirisiti Kawauwi, kpaci nala Kashilā ka cigai u woko. Yan ḁa u yain nala tsarā n tonuko ama an Kashilā ka zuwangbanai ka nāka ya dem uma a asu u Yesu Kawauwi.

<sup>2</sup> Timoti, koronku ḁa ma koronku vu, avu maku ma ma ciga cika.

Kashilā ka Tata u tsunu, Yesu Kawauwi kpam Asheku a tsunu. Kavasū ka vā ka, a wenike vu ukuna u shinga u le n u pana u asuvayali, a nāka vu kpam uma u ndishi n shinga.

### *Ulya u kapala n upityanangu*

<sup>3</sup> Kaara n kayin n tsu cība vu tā a asuvu a kavasū. Ma yan baci kavasū, aku n cikpa Kashilā adama a vunū. Kashilā ka ma gbashika n uyawunsa u shinga tyoku ḁa isheku i cau i vā i yain a'ayin a ḁa a'ari n uma.

<sup>4</sup> Ma matsā tā gai n uciga n doku n wene vu, kpaci n cība tā tyoku ḁa vu sai n meshi an tsu pecemgbenei. Ma yan tā kpam mazanga tsu doku baci tsu gawunsai.

<sup>5</sup> N reve tā vu wushuku tā n Kashilā mayun, kpaci vā tā n upityanangu tyoku ḁa mma u vunū Afiniki wari, tyoku ḁa kpam mma u mma u vunū Loi u wushuki.

<sup>6</sup> Adama a nala a ḁa ma tonuko vu, vu fulā akina a kune ku Kashilā ka nāka vu an n taḁanku vu akere.

<sup>7</sup> Kpaci Kashilā ka yan atakasuvu a tsunu tsarā tsu pana uwonvo u ama wa, shegai u nāka tsu tā atakasuvu a ucira a ḁa a'ari ushadangi n uciga, u tsu banga tsu tā kpam tyoku ḁa tsa fuda tsu kana kaci ka tsunu.

<sup>8</sup> Vu tonuko ama ukuna u Asheku a tsunu, kpm kotsu vu pana uwonvo u ili i'ya ama a ka dana an va yan nala wa. Kpm kotsu vu pana uwono u va a kapala ka ama an a kaṅa mu adama a Kirisiti Kawauwi wa. Shegai, adama a ucira u da Kashila ka naka vu, vu bolomgbono kaci na mpa tsu pana ikyamba adama a Kadyanshi ka Shinga ka ne.

<sup>9</sup> Kashila ka wauwa tsu ta kpm u dangasa tsu tsu rongo n uma u uwulukpi. Tun kahu a yain likimba da u fobuso i yain ili i na yi nala. Ciga da u cigai u wenike tsu uciga u ne n ukuna u shinga u ne a akere a Yesu. U dangasa tsu adama a da tsu yain ili i'ya tsu rawai wa.

<sup>10</sup> Kashila ka ka yain ili i'ya ma dansaka na vi a kateshe, a'ayin a da Yesu Kawauwi tuwai u wacinsai ucira u ukpa, u wenike tsu kpm ure u uma u da bawu wari n utyoku. Kawauwi ka tsunu ka, kpm alabari a Kadyanshi ka Shinga a da gai na vi.

<sup>11</sup> Gogo-na, Kashila ka dangasa mu ta n dana ili i na yi, u dangasa mu kpm n woko kasuki, u zuwa mu n woko kawenishiki ka Kadyanshi ka Shinga.

<sup>12</sup> Adama a nala a da ma pana ikyamba pini a kuwa ku a'ali ku na ki. Shegai ma pana uwono wa kpaci n reve ta uza da n wushuki n eyi, kpm n reve ta wa fuda ta wa kirana n i'ya n naka yi vi, u kirana kpm n i'ya hal kain ka wa gono.\*

<sup>13</sup> Kana ili i'ya n wenishike vu vi mai, i woko

---

\* **1:12** Ure u roku u da tsa fuda tsa reve idani i'ya Bulus korongi pini na u da, “wa fuda ta wa kangu ili i'ya u naka mu.” Wata, Kawauwi ka naka ta Bulus atoni n manyan ma uyan. Shegai gogo-na an Bulus yain evu n ukpa, u reve ta manyan ma u gitai ma lya ta kapala kpaci Kawauwi ka kirana ta n ma.

iryoci i uwenishike u shinga. Kpam vu ciba vu wushuku n Yesu Kawauwi vu cigi ama adama a ne.

<sup>14</sup> Vu gubi ili i'ya u naka vu. Kulu Keri ka ta asuvu a tsunu kpam ka banga vu ta vu yain ili i na yi.

<sup>15</sup> Tyoku da vu revei u da, ama a tsunu a uyamba u Asiya a 'yuwan mu ta ubanga, hal n Fijala n Hamajana dem a kpatalaka mu kucina.

<sup>16</sup> Ma ciga ta Asheku a wenike Onisifara n kuwa ku ne asuvayali, kpaci u tsu tuwa ta n u wene mu n u gbamatangusu mu asuvu. U pana uwono u va adama a da mari a kuwa ku a'ali wa. <sup>17</sup> An u tuwai a Roma, she na u boloi asu u da mari u wene mu.

<sup>18</sup> Adama a nala, ma ciga ta Magono ma Zuba ma pana yi asuvayali kain ka Kawauwi ka gono. Kpam vu reve ta an Onisifara banga mu cika a Afisu.

## 2

### *Kasoje ka shinga ka Yesu Kawauwi*

<sup>1</sup> Avu maku ma va, u gan ta vu gbama a asuvu a ukuna u shinga u Yesu Kawauwi.

<sup>2</sup> Vu pana ta gai kuɓari ku va, kpam ama ushani a reve ta n kuɓari ki. Gogo-na she vu wenishike ama a maci aza da a ka fuda a wenishike aza roku kuɓari ki.

<sup>3</sup> Tono mu tsu pana ikyamba kaɓolo tsara vu woko kasoje ka shinga ka Yesu Kawauwi.

<sup>4</sup> Vuma wa baci a tsusoje, u tsu ɓolomgbono n aza da bawu a'ari asoje u yain tyoku u le wa. Nala wa zuwa uzapige u ne u pana kayanyan.

<sup>5</sup> Vuma gita baci kalambale, bawu u tonoi mele ma a zuwai, ko u woko baci uza u kelime, wa wusha kune ku funi wa.

<sup>6</sup> Kacimbi ka baci ka yain manyan cika aya wa gita ulya ilya i savu.

<sup>7</sup> U gan ta vu reve ili i'ya ma tono. Magono ma Zuba ma banga vu ta vu reve ili i na yi.

<sup>8</sup> Kain dem vu cibusa Yesu Kawauwi. A matsa yi ta a kuwa ku Dawuda, kpam a 'yangasa yi ta a ukpa. Kadyanshi ka Shinga ka ma yan kuɓari ku la vi.

<sup>9</sup> An u wokoi ma dansa Kadyanshi ka Shinga ka nala ki, da i zuwai ma pana ikyamba, hal gbam a sira mu n ikani yavu uza da nusai. Shegai a ka sira kadyanshi ka Kashila n ikani wa.

<sup>10</sup> N naka ta kaci ka va n kawunku ko ndya baci, ya tuko baci gai iwauwi a asu u ama da Kashila ka dangasai. Kpam a tsara tsupige tsa bawu tsa kotso a asuvu a kala ka Yesu Kawauwi.

<sup>11</sup> Udani u na vi mayun da.

Tsu kuwa baci n eyi,  
tsa yan ta uma n eyi.

<sup>12</sup> Tsu kawunku baci n upana u ikyamba,  
tsa lya ta tsugono n eyi.

Tsu kpatalaka yi baci kucina,  
wa kpatalaka tsu ta dem kucina.

<sup>13</sup> Tsu kpadā baci ushamkpa kazuwamgbani ka tsunu,

eyi wa shamkpa ta kazuwamgbani ka ne.  
kpaci wa nana kaci ka ne wa.

*Uza manyan da a wushuki n eyi*

<sup>14</sup> Cibuga ya dem ili i na yi, aku vu barana le a asuvu a kala ka Kashila a asaka kanaanamgbani ka

kaberikete. Iacun i kananamgbani ka nala ki ka n kalen wa. Ka nangasa ta aza da a ka pana ka.

<sup>15</sup> Matsa vu yain manyan cika tsara Kashila ka wushuku n avu. Woko kayain ka manyan ka shinga, uza da bawu u gain u yain n uwono, kpam uza da u tsu tonuko ama kadyanshi ka maci derere.

<sup>16</sup> Kotsu vu suma aza a kadyanshi ka kpawawa ka bawu ka naka Kashila karinga. Iacun i nala yi i tsu zuwa ta ama a kpa da utono Kashila.

<sup>17</sup> Iacun i kadyanshi ka nala ki ka tsu tambura ta yavu kagalama ka bawu kari n aguma. Hamanaya n Filita alya iryoci i icun i kadyanshi ka na ki.

<sup>18</sup> Alya a asakai ure u mayun. Ama a na yi a da Kashila ka kotso tsu de u'yangasa a ukpa atsu aza da tsu wushuki, nala a yain a puwunsai upityanangu u aza roku.

<sup>19</sup> Shegai ukuna u mayun u Kashila wa ta pini yavu cuku tsu kuma ka a mai a katali kpam kari n ikorongi i na, "Magono ma Zuba ma reve ta ama da a'ari ama a ne," kpam "Aza da a ka wundya ele ama a Kashila a da, a asaka tsicingi tsa a ka yansa."

<sup>20</sup> A kuwa ku aza a utsari, apara a roku n azurufa ko zinariya da a yain a da, a roku kpam na ndanga ko cin. Apara a ikebe yi, adama a abiki a pige a pige a da, a da kpam bawu a'ari n ikebe a manyan ma kuwa.

<sup>21</sup> Vu takpa baci ili i icadi i'ya i'ari ara vunu, va woko ta kapara ka Kashila ka yanka manyan tyoku da wa ciga. Uma u vunu wa yan ta sarara, kpam va woko ta ufo busi tsara Uzapige u yanka vu manyan a asu u manyan ma shinga.

<sup>22</sup> Suma ili i'ya ya tuko unangasa u iyakpa, she-

gai kain dem vu yain i'ya ya tuko uyan ili i'ya i'ari dere. Maṣṣa vu yain ili i'ya ya tuko upityanangu n uciga nā ndishi n shinga, vu pana kayanyan ka ndishi n aza ḍa a ka isaṣa asuvu a kala ka Magono ma Zuba n katakasuvu ka le sarara.

<sup>23</sup> N doku n tonuko vu, kotsu vu uka kaci ka vunu a asu u kananamgbani ka gbani wa, kpm kotsu vu uka kaci ka vunu a asu u ama ḍa bawu a revei ili wa. Ili i na ya zuwa ṭa ama kushulu.

<sup>24</sup> Agbashi a Magono ma Zuba a gan a shilakanasa wa, shegai a rongo upana asuvayali i ama. U gan ṭa a fuḍa a wenishike aza roku mai, kpm a yain ahankuri n aryagbaji.

<sup>25</sup> U gan ṭa a wenishike aza ḍa a 'yuwain ukuna u mayun ben, gaawan Kashila ka savaḍa ṭa ataka-suvu a ama a nala yi hal a gono a wushuku n ukuna u mayun vi.

<sup>26</sup> Pini nala, ama a nala yi a ka gono ṭa a gita uyawunsa ukuna u shinga hal a wusa le a kukere ku Kalapansi. Kpaci hal n gogo-na Kalapansi ka pini ka gonuko le agbashi, kpm wa fuḍa ṭa wa zuwa le a yain gbā ili i'ya wa ciga.

### 3

#### *A'ayin a makorishi*

<sup>1</sup> Kotsu vu reve n ukuna u na. A'ayin a makorishi, upana u ikyamba u ḍa pini cika.

<sup>2</sup> Kpm ili i'ya i zuwai i'ya, ama a ka woko ṭa aza a uciga u kaci ka le koshi, a woko kpm acigi a ikebe. A ka shadangu ṭa n agoni, a yain kpm n aradi. A ka rongo ṭa uwishisa Kashila. A ka naka isheku i le tsupige wa, a ka yan n ucikpa wa. A ka naka ukuna u Kashila tsupige wa.

<sup>3</sup> A ka wenike uciga wa, kpam a ka cimbusuka atoku a le wa. A ka woko t̄a aza a kunangasu, a ka fuḍa a ka kaṅa kaci ka le wa. A ka woko t̄a aza ḍa bawu a ka pana iyali, n ama ḍa bawu a ka yan n maluwa ma ili i shinga.

<sup>4</sup> A ka woko t̄a aza ḍa a ka neshike aje a le, a ka woko t̄a aza a uyan ili kabarikete bawu uyawunsa. A ka shaḍangu t̄a n araḍi a tsupige. A ka woko t̄a aza a uciga upana kayanyan hal u lai gb̄am utono u Kashila.

<sup>5</sup> A ka wenike t̄a yavu a ka yan ili i'ya Kashila ka ciga, shegai a ka aṣaka ucira u ne u savaḍa le wa. Kotsu vu raḍa icun i ama a na yi wa.

<sup>6</sup> Ama a na yi a tsu uwa t̄a a a'uwa a bere ama, aku a laṣanaṣai aka a ḍa bawu a'ari n ugbami u asuvu aza ḍa unyushi u cingi u lyai kaci ka le, n aza ḍa kpam a ka tono uyawunsa u ukuna u cingi u le.

<sup>7</sup> Icun i aka a nala a tsu la t̄a utono uwenishike u savu, shegai a reve ukuna u mayun wa.

<sup>8</sup> Awenishiki a na yi a tsu 'yangasaka t̄a ukuna u mayun tyoku ḍa Yanisu n Jambure\* a 'yangasakai Musa. Atakasuvu a le a shaḍangu t̄a n tsicingi, kpam upityanangu u le u maci u ḍa wa.

<sup>9</sup> Shegai a ka lya kaci ka ukuna vi wa, kpaci ya dem wa wene t̄a utengeshi u le. Nala dem u gitai n Yanisu n Jambure.

### *Bulus tonukoi Timoti ili i'ya wa yan*

---

\* **3:8** "Yanisu n Jambure" Alabari aza a Yahuda a danai Yanisu n utoku u ne Jambure aza a aḍabu a Firi'auna a ḍa. A kondomgbono t̄a n Musa a Tagarada u Uwuta 7:11. A'ala a le a'a pini a asuvu a Kazuwamgbani ka Cau wa



<sup>10</sup> Timoti, vu reve ƙa gai ili i'ya ma wenishike, vu reve ƙa kpam tyoku ɗa ma rongo. Vu reve ƙa ili i'ya i gain n yansa a uma u va. Vu reve ƙa n upityanangu u va n tyoku ɗa n panai ikyamba. Vu reve ƙa n uciga u ɗa mari n u ɗa, n ahankuri a ɗa mari n a ɗa n akawunki.

<sup>11</sup> Vu reve ƙa mavura ma n soi, vu reve ƙa kpam n upana u ikyamba u ɗa n kawunki n u ɗa. Vu reve ƙa tyoku ɗa a yanka mu mavura a Antakiya n Ikaniya n a Lisitira, shegai Asheku a wutukpa mu gba a ukuna u nala vi. ◇

<sup>12</sup> Ukuna u mayun u ɗa na vi, uza ɗa baci dem u ɗa wa rongo hal u zuwa Kashila ka pana kayanyan a asuvu a kala ka Yesu Kawauwi, she u so mavura.

<sup>13</sup> Shegai ama a cingi n aza a adabu a ka lya ƙa kapala. A'a ƙa a ulapanasa ama, kpam a ka rongo le ƙa dem ulapanasa.

<sup>14</sup> U gan ƙa vu shamkpa ili i'ya awenishiki a vunu a wenishike vu. Vu reve ƙa gai uwenishike u mayun u ɗa, kpaci vu reve ƙa tyoku ɗa awenishiki a vunu a'ari.

<sup>15</sup> Tun avu kenu, ɗa a wenishike vu Tagarada u Kashila, ɗa i zuwai vu tsarai ugboji u ɗa va tsara iwauwi i'ya ya tuwa ara Yesu Kawauwi vu wushuku baci.

<sup>16</sup> Gba ikorongi i'ya i'ari a Tagarada u Kashila a unu u Kashila u ɗa i wutai, kpam i'a ƙa n kalen a asu u uwenishike tsu ukuna u mayun, u zuwa tsu tsu reve ukuna u ɗa bawu u gain a uma u tsunu. Kadyanshi ka Kashila ka na ki, ka tsu lapula ƙa uma u tsunu u ɗa tsa rongo u ɗa bawu u gain, kpam ka tsu wenishike tsu ƙa tsu yain ili i'ya i'ari dere.

---

◇ 3:11 Ask. 14:1-28.

<sup>17</sup> Kashilā ka yanka tā ili i na yi manyan tsarā kagbashi ka ne ka tsarā gbā ili i'ya wa ciga adama a manyan ma shinga ma baci dem wa yan.

## 4

<sup>1</sup> Vu reve tā gai kain ka te Yesu Kawauwi wa tuwā tā u yanka ama da a'ari n uma afada, u yanka dem akushe. Kain ka wa tuwā wa lya tsugono tsu ne ka la vi. Adama a nala, adama a Kashilā n adama a Yesu Kawauwi, n tonuko vu, ma ciga tā

<sup>2</sup> vu yain kuɓari ku kadyanshi ka Kashilā. Rongo uyansa nala kain dem ko n kabala ko bawu kabala. U kaṅa tā vu rongo kpam ulapululusuka ama a vunu n ahankuri n uwenishike u shinga. Uwenishike u nala vi u kaṅa tā u wenike le unyushi u le, kpam u gbamatangu le asuvu.

<sup>3</sup> Yansa nala kpaci a'ayin a ka tuwā tā a da bawu ama a ka pana kpam uwenishike u maci. Ili i'ya a ka cigāka kaci ka le i'ya a ka tono koshi, kpam a ka zama tā awenishiki aza da a ka tonuko le ili i'ya a ka ciga a pana koshi.

<sup>4</sup> Ama a na yi a ka 'yuwan tā ukuna u mayun, aku a gonuko ugboji u le a asu u upana alabari a kpawawa.

<sup>5</sup> Gbā n nala, vu gonuko uyawunsa n ugboji a asu u da dem vu cinai kaci ka vunu. Kotsu vu pana uwonvo u upana ikyamba a adama a Asheku wa. Yan manyan ma utukuso ama a asu u Kawauwi, nala va yan tsarā vu kotso manyan ma Kashilā ka naṅa vu.

*Kadyanshi ka makorishi ka Bulus*

<sup>6</sup> Mpa gai gogo-na, tsungu da a tsungu mu tyoku u ufarakpa a asu u Kashila. A'ayin a ukpa a va a yan de evu. ◇

<sup>7</sup> N shilakana ta ibili i shinga. N kotso de kalam-bale, kpam n ukuna u maci u va u da mari.

<sup>8</sup> Ubana a kapala kenu ma tsara ta kune, Asheku a ka naka mu ta funi u uma u maci. Asheku a da uza u afada a maci kpam wa naka mu ta funi vi kain ka pige ka wa gono. Kune ku nala ki ku va ka koshi wa, shegai ku gba aza da a ka ciga kpam a ka wundya ugono u tsupige u ne.

<sup>9</sup> Yan gogo vu tuwa.

<sup>10</sup> Dima laza de u asaka mu kpaci u la ta uciga ucanga u uma u na. U laza de ubana a Tasaloniya. Karasaka laza de ubana a Galatiya, Taitu kpam laza de ubana a Dalumatiya.

<sup>11</sup> Luka da koshi wari gogo-na kabolo na mpa. Va tuwa baci pini na vu tuwa kabolo n Marku kpaci wa banga mu ta.

<sup>12</sup> N suku ta Tikiku ubana a Afisu.

<sup>13</sup> Ya tuwa baci kotsu i cifa i tuko mu matogo ma pige ma va ma n asankai Kabu a ilyuci i Taruwasa. Kpam dem kotsu vu tuko mu itagarada i va, hal gai iwaraka.

<sup>14</sup> Vuma roku da pini uza kala Alizanda, karumi ka. Vuma nala vi u yanka mu ta tsicingi cika, shegai Asheku a ka naka yi ta katsupi ka ili i'ya u yain.

<sup>15</sup> Kotsu i kirana n eyi, kpaci u tsu shilakana ta n ili i'ya baci dem tsu danai.

<sup>16</sup> Ko uza wa pini an a banka mu a asu u afada wa ubanka u kagita. Ya dem asaka mu ta. N zuwa

---

◇ 4:6 Mkc. 28:7.

tā uma unyushi u nala vi a ka kece u ḍa a kaci ka le wa.

<sup>17</sup> Shegai Asheku a'a tā nā mpa, u naka mu ucira tsara n dansa Kadyanshi ka Shinga a asu u ḍa Awulawa a ka pana. Kpam Asheku a wauwa mu tā a unā u igabako i nala yi.

<sup>18</sup> Nala wari, Asheku a ka wutukpa mu tā a akere a gba ili i cingi kpam wa banka mu tā a tsugono tsu zuba tsu ne bawu usan. Asaka tsupige tsu rongo n Asheku hal ubana bawu utyoku. Ami.

*Idyani i Bulus i makorishi*

<sup>19</sup> Danaśaka mu Bilikisu n Akila n aza a kuwa a Onisifara.

<sup>20</sup> Erasutu wa tā a Korintiya. A'ayin a ḍa n asakai Tarafima a ilyuci i Milita wari n alafiya wa.

<sup>21</sup> Daraka vu rawa pini na kahu a'ayin a kutanu a rawa. Awubulu, n Budi, n Lainu n Kalaudiya a ka sukunku ḍa tā idyani, nala dem atoku aka n a'ali.

<sup>22</sup> Asaka Asheku a rongo n uma u vunu. Ukuna u shinga u rongo n ḍa gba.

**Kazuwamgbani ka savu n Tsikimba n a6on a  
da a dangasai a kazuwamgbani ka cau  
New Testament in Tsikimba (NI:kdl:Tsikimba)**

copyright © 2010 Wycliffe Bible Translators, Inc.

Language: Tsikimba

Translation by: Wycliffe Bible Translators, Inc.

**Copyright Information**

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Tsikimba

**© 2010, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-08-09

---

PDF generated using Haiola and XeLaTeX on 18 Apr 2025 from source files  
dated 29 Jan 2022

a4f6a28b-3d6d-50b4-a81b-06ae05a66010